



Broj: 01/14-11-1220-8/26
Sarajevo, 18.06.2026. godine

Na osnovu člana 69. stav (1) tačka b), a u vezi sa članom 72. stav (3) tačka c) Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24) i članom 41. stav (1) Statuta Grada Sarajeva („Službene novine Kantona Sarajevo“, broj: 7/23), gradonačelnik Grada Sarajeva donosi

ODLUKU **o poništenju postupka javne nabavke**

I

Poništava se postupak javne nabavke pokrenut Odlukom o pokretanju postupka javne nabavke broj: 01/14-11-1220-2/26 od 11.03.2026. godine, proveden putem Otvorenog postupka za nabavku radova: „Izvođenje radova na projektu investiciono-sanaciona ulaganja u objekat i bazensku tehniku na Olimpijskom bazenu Otoka u Sarajevu – 'Sanacija prokišnjavanja, izrada revizione staze i prosijecanje linijskih snjegobrana na krovu objekta, zamjena neispravnih vrata u fasadnom rasteru kafića na objektu te izrada i montaža novih bravarskih pozicija na istočnoj i zapadnoj fasadi objekta'“, iz razloga što je izabrani ponuđač „Neimari“ d.o.o. Sarajevo u pisanoj formi odbio dodjelu ugovora.

II

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke broj: 01/14-11-1220-2/26 od 11.03.2026. godine, pokrenut je postupak javne nabavke radova: „Izvođenje radova na projektu investiciono-sanaciona ulaganja u objekat i bazensku tehniku na Olimpijskom bazenu Otoka u Sarajevu – 'Sanacija prokišnjavanja, izrada revizione staze i prosijecanje linijskih snjegobrana na krovu objekta, zamjena neispravnih vrata u fasadnom rasteru kafića na objektu te izrada i montaža novih bravarskih pozicija na istočnoj i zapadnoj fasadi objekta'“, putem Otvorenog postupka javne nabavke uz predviđeno provođenje e-aukcije.

Obavještenje o nabavci objavljeno je na portalu Agencije za javne nabavke broj: 1278-1-3-31-3-25/26 dana 18.03.2026. godine, dok je sažetak obavještenja objavljen u Službenom glasniku BiH u broju: 22/26. Sa portala Agencije za javne nabavke tendersku dokumentaciju preuzelo je ukupno 12 ponuđača. U ostavljenom roku za dostavljanje ponuda, na protokol ugovornog organa zaprimljena je jedna (1) ponuda, i to ponuda ponuđača Neimari d.o.o. Sarajevo sa sjedištem u ulici Pijačna 70, 71000 Sarajevo, sa ponuđenom cijenom u iznosu od 89.877,00 KM bez PDV-a.





Zapisnikom o pregledu i ocjeni ponuda Komisije za javnu nabavku, imenovane Rješenjem broj: 01/14-11-1220-3/26, dana 15.04.2026. godine, gradonačelniku Grada Sarajeva je data preporuka za prihvatanje ponude ponuđača Neimari d.o.o. Sarajevo sa sjedištem u ulici Pijačna 70, 71000 Sarajevo, sa ponuđenom cijenom u iznosu od 89.877,00 KM bez PDV-a, budući da je ista ocijenjena kao prihvatljiva. S tim u vezi, ugovorni organ je u skladu sa članom 70. stav (1) i (3) Zakona o javnim nabavkama Bosne i Hercegovine ('Službeni glasnik BiH', broj: 39/14, 59/22 i 50/24), dana 22.04.2026. godine donio Odluku o izboru najpovoljnijeg ponuđača broj: 01/14-11-1220-4/26.

Na osnovu donesene Odluke o izboru najpovoljnijeg ponuđača sačinjen je ugovor o predmetnoj javnoj nabavci, koji je postupajući u skladu sa članom 70. stav (6) Zakona dostavljen na potpisivanje izabranom ponuđaču.

Međutim, izabrani ponuđač „Neimari“ d.o.o. Sarajevo odbio je zaključivanje ugovora u dostavljenom obliku, o čemu je ugovorni organ obaviješten aktom protokolisanim pod brojem: 09-11-3927/26 od 10.06.2026. godine. U navedenom aktu ponuđač ističe da, nakon provedene detaljne analize realizacije predmetnih radova, smatra da radove prema opisu i tehničkim uslovima definisanim tenderskom dokumentacijom nije moguće izvesti na tehnički održiv i funkcionalan način. Nadalje navodi da bi takav način izvođenja radova mogao rezultirati potrebom za kontinuiranim korektivnim zahvatima i dodatnim investicionim ulaganjima tokom korištenja objekta, zbog čega nije u mogućnosti preuzeti punu odgovornost za trajnost i kvalitet izvedenih radova te, shodno navedenom, nije u mogućnosti pristupiti zaključenju ugovora.

Budući da je izabrani ponuđač „Neimari“ d.o.o. Sarajevo, kao jedini ponuđač u predmetnom postupku javne nabavke, u pisanoj formi odbio dodjelu ugovora, nastupile su okolnosti iz člana 72. stav (3) tačka c) Zakona o javnim nabavkama Bosne i Hercegovine, te su se stekli uslovi za poništenje postupka javne nabavke u skladu sa članom 69. stav (1) tačka b) navedenog Zakona, zbog čega je odlučeno kao u dispozitivu ove odluke.

Pouka o pravnom lijeku

Protiv ove Odluke može se uputiti žalba ugovornom organu u pismenoj formi u roku od 10 (deset) dana od dana prijema iste.

GRADONAČELNIK

Samir Avdić s.r.